

Qual fu fatta notar per alcuni di Collegio, atento el bisogno se ha di danari, perchè a di 19 di questo bisogna 36 milia ducati per mandar in campo, oltra il pagar di le zente sono in brexana et a Bergamo.

È da saper. A le Cazude fin hora, da poi la parte non è stà scossi di contadi ducati 1600, et altri in mercadi con l' Arsenal, zerca ducati 1400, in tutto ducati 3000 in zerca; *imo* molti debitori hanno iustificà i crediti, sichè si cala assai; *imo* le tenute tolte molti monstrano non esser tanto debitori; altri li beni non è di debitori, altri li beni sono conditionati, et non si pol vender.

Fo letto le lettere scripte di sopra, *videlicet* di campo, Bergamo, Crema, Brexa, et sier Zuan Moro provedador zeneral in brexana.

Da poi, fo stridato, in execution di la parte, quelli che vien in Pregadi et in altri officii quali non hanno portà i loro bolletini, i quali sono zerca numero 28, *videlicet*:

Sier Marco Grimani procurator pagò.

Sier Vetor Grimani procurator pagò.

Sier Zacaria Gabriel procurator pagò.

Sier Marin Alberto, è di Pregadi, pagò.

Sier Domenego Capello, è di Pregadi, qu. sier Nicolò, pagò.

Sier Sebastian Justinian el cavalier, di la Zonta.

† Sier Faustin Barbo provedador al Sal, morite.

Sier Marin Morexini qu. sier Polo, provedador sora l' armar.

Sier Zuan Alvixe Bondimier, XL Civil, have gratia.

Sier Francesco Zane, XL Criminal, have gratia.

Sier Nicolò Trivisan, sora la sanità.

Sier Lorenzo Moro, sora le pompe, pagò.

Sier Marco Bragadin, sora le pompe, pagò.

Sier Hironimo Baffo, fo a le Cazude.

Sier Piero da Molin *dal Bancho*, vieh in Pregadi, pagò.

Sier Nicolò Venier, vien in Pregadi, pagò.

Sier Francesco Gradenigo, vien in Pregadi.

Sier Marco Malipiero qu. sier Perazo, vien in Pregadi.

Sier Ferigo Marzello, vien in Pregadi.

Sier Andrea Balbi soracomito, havea gratia.

Sier Alexandro Lolin, al canevo, pagò.

Sier Zacharia Zantani è . . . .

Et nota. Sier Sebastian Justinian el cavalier, solo fo mandà zoso di Pregadi, poi pagò; et publicà per il Canzelier grando, che se per tutta questa setimana non portavano i boletini, Domenega la Signoria manderia la parte ad execution.

Fu posto poi per i Consieri, Cai di XL e Savii, 15. suspender li debiti di sier Zuan Alvixe Bondimier qu. sier Francesco, el qual è XL Criminal, che l' ha con la Signoria nostra a le Cazude, et in suo nome e di suo padre per do anni; et fu presa. Ave: 176 di si, 16 di no, 0.

Fu posto, per li ditti, suspender li debiti di sier Francesco Zane qu. sier Francesco, el qual è XL Criminal, che l' ha con la Signoria, per do anni, a l' officio di Governadori di l' intrade, Cazude et Raxon nove. Fu presa: 185, 12, 0.

Fu posto, per li ditti, suspender li debiti di sier Filippo Minio qu. sier Castellan, per do anni, el qual *etiam* è XL Criminal, che l' ha a l' officio de le Cazude, et a le Biave. Fu presa: 167, 23, 0.

Fu posto, per li ditti, suspender li debiti di sier Francesco da Leze qu. sier Alvixe, el qual è stà podestà e capitano a Ruigo, per do anni, che l' ha a l' officio di le Carude et a l' officio di le Raxon nuove. Et fo ballotà do volte. Et non fu presa. Ave la prima volta: 146, 49, 1. La seconda: 129, 64, 1. Vol i tre quarti di le ballote.

Fu posto, per li ditti, suspender li debiti di sier Nicolò e Zorzi Valaresso qu. sier Marco, per do anni, che i hanno a l' officio di le Cazude, et fo ballotà do volte. Non fu presa. Ave la prima volta: 136, 54, 2. La seconda: 137, 53, 2. Vol i tre quarti di le ballote.

Fu posto, per sier Zacaria Trivixan savio ai ordeni, che sier Piero Bragadin, va Baylo a Constanti-nopoli, sia confuato in gallia questa sera, nè più vengi in terra, sotto pena di ducati 500, et partir si debbi col primo tempo, da esser scossa per cadaun dil Collegio senza altro Consejo. Et cussì debbi esser confinà sier Francesco Dandolo soracomito. Fu presa: 142, 46, 5.

Et nota. El ditto Baylo eri montò in gallia, soracomito sier Francesco Dandolo qu. sier Zuane, col qual va alcuni zenthilomeni nostri mercadanti da numero . . . , tra i quali sier Zacharia Trivixan qu. sier Nicolò, et porta il diamante comprò con altri di la Signoria, come di sopra ho scripto. Hor questa mattina feno vela, andono 20 mia in mar e poi tornorono indriedo a san Nicolò di Lio per esser tempo contrario, et ditto Baylo si vesti et vene a Rialto e san Marco, e per questo messe la parte.

Fu posto, per i Savii a i ordeni, zoè voleano metter, le galie di viazi, iusta l' incanto notado, et li Savii sora la merchadantia andono a la Signoria, dicendo voler metter prima alcune parte necessa-